

欽定大清會典事例

欽定大清會典事例卷三百一

禮部

朝會

皇太后聖壽慶賀二
皇后宮慶賀長至節

元日
皇后宮

慶賀

千秋節慶賀

嘉慶二十五年九月

諭十月初十日。

皇太后聖壽節朕恭奉

皇太后懿旨本年十月初十日尚在百日之內着停止

行禮。

凡筵前執事官員人等令仍服縞素朕仰遵

慈訓不敢有違。其未釋服之王公大臣。是日著與已釋服之王公大臣官員俱服青長袍褂。帽綴纓。○道光元年。

皇太后萬壽聖節。

諭奉

皇太后懿旨。停止行禮。○又奏准。停止筵燕作樂。○又諭。十月初十日。

皇太后萬壽聖節。王公大臣二品以上各員。俱在

慈寧門外行禮。三品以下各員。俱在午門外行禮。○

是日

宣宗成皇帝御龍袍衮服前後三日常服王公百官咸
衣蟒袍補褂挂朝珠前後三日常服挂朝珠

皇后

內庭宮眷俱用吉服前後三日常服○又

皇后慶賀

皇太后萬壽聖節豫設

皇后拜褥於

慈寧宮檐前正中。

內庭主位拜褥於東西稍後

皇后升丹陛至檐前東嚮立

內庭主位稍後分班東西嚮立就拜位行六肅三跪三拜禮。○二年慶賀禮儀與元年同。○四年。

皇太后萬壽聖節。

宣宗成皇帝詣

綺春園

皇太后宮行禮。○五年。

皇太后五旬萬壽聖節。

諭奉

皇太后懿旨。停止進獻禮物。○又

諭奉

皇太后懿旨。本月初十日。著停止行禮筵燕。其福音命婦進內慶祝之處。仍照向例行。○又

諭。本年恭遇

聖母皇太后五旬萬壽。普天同慶。王公百官。著自十月初六日至十五日。俱穿蟒袍補褂。○又

諭。本年為

聖母五旬萬壽。率土膺歡。在廷諸臣。自當恭申叩祝。所有王公一二品大臣。是日俱在綺春園二宮門外行禮。三品以下各員。是日俱著在午門外行禮。欽此。屆期。王公一二品大臣穿蟒袍補服行禮。三品以

下各員穿朝服行禮。○是日。

宣宗成皇帝進

綺春園大宮門左門慶賀

皇太后五旬萬壽。

皇子親王以下二品以上大臣分進左右隨牆門。

排班行禮。○又奏准在

綺春園慶賀

皇太后五旬萬壽。所有

二宮門外階下王公行禮處。

二宮門外橋南一二品大臣行禮處及

大宮門外百官行禮班次左右。每處各設監禮御史二員。○九年。

宣宗成皇帝恭奉

皇太后謁

陵禮成回

鑿

駕至周家邨西大營日恭逢

皇太后萬壽聖節。

宣宗成皇帝更換龍袍袞服。王公百官均換穿蟒袍補

服。

行在內閣學士恭奉慶賀

皇太后表文安置匣內至

黃布城門外。大學士接奉交內監恭進。王公以下
文武二品以上大臣於

黃布城外。三品以下各官於白布城外。按翼排如
屆時。

宣宗成皇帝詣

皇太后行殿。行三跪九拜禮。王公二品以上大臣於

黃布城外。三品以下各官於白布城外。均隨行禮。
禮成。

皇后率

內庭主位等詣

皇太后行殿行禮。禮成。王公百官均穿蟒袍補服一日。

次日起程時仍換行衣。在京王公百官仍照例穿蟒袍補服七日。初十日早。由鴻臚寺官引班均詣

午門前行三跪九叩禮。所有王公百官慶賀

皇太后表文俱陳設

午門外龍亭內行禮畢。恭送內閣。○十三年

皇太后萬壽聖節

皇貴妃詣

綺春園

皇太后宮行禮於

迎暉殿內。豫設

皇貴妃拜褥於前設

內庭主位拜褥稍後均北嚮

皇貴妃具龍袍補服

內庭主位具綵服乘輿依次由

內至

綺春園降輿處降輿入公主隨入

皇貴妃升月臺至

殿內西嚮立。

內庭主位等依次於

皇貴妃稍後分班東西嚮立。就拜位。行六肅三跪

三拜禮。○十五年。

皇太后六旬萬壽聖節。

諭奉

皇太后懿旨。停止進獻禮物。○又奉

旨。本月初十日。

皇太后六旬萬壽。內廷行走親郡王御前大臣軍機大

臣內務府大臣俱准呈進如意○又奉

旨○本年恭遇

聖母皇太后六旬萬壽○普天同慶○王公百官著自十月初一日至十五日俱穿蟒袍補褂○又奉

旨○

皇太后萬壽○照例行禮筵燕○十月初九日加上

恭慈康豫安成莊惠壽禧皇太后徽號禮成○初十日

宣宗成皇帝詣

皇太后宮恭祝

萬壽○進表行禮○並

升殿頒詔受賀。○二十一年

諭

皇太后萬壽慶辰。所有王公一二品文武大臣。及在內廷行走大臣。着在綺春園二宮門外行禮。三品以下各員。着在長信門外行禮。俱着鴻臚寺堂司官贊禮。

○二十五年。

皇太后七旬萬壽聖節。

諭奉

皇太后懿旨。停止進獻禮物。○又

諭。本年恭遇

聖母皇太后七旬萬壽。普天同慶。王公百官。著自十月初一日至二十日。俱穿蟒袍補褂。○又

諭。本年十月初十日。恭逢

聖母皇太后七旬萬壽。禮部題請照例行禮筵燕。奉
懿旨。是日在綺春園行禮。至禮成後。內庭自有筵燕。所
請照例筵燕之處。毋庸舉行。○二十六年

諭。本月初十日。

皇太后萬壽慶辰。所有王公一二品文武大臣。及在內
廷行走大臣。著在綺春園二宮門外行禮。三品以下
各員。著在長信門外行禮。俱著鴻臚寺堂司官贊禮。

○二十七年

諭嗣後每年具題

皇太后萬壽聖節禮儀本內。著將二十六年十月原奉
諭旨繕寫夾片。附入本內具題。○二十八年

諭自此次為始

皇太后萬壽聖節。如不升殿受賀。綺春園宮門外陳設
儀駕。著鑾儀衛官員率領校尉豫備。若升殿受賀。所
有陳設儀駕。仍著太監豫備。以後永遠為例。○咸豐

十一年八月

諭十月初十日

聖母皇太后聖壽節。朕恭奉

懿旨。本年十月初十日。尚在百日之內。著停止行禮。且在大祭以前。是日王公大臣官員等。均仍服縞素。○

同治元年

諭禮部題本年七月十二日。

慈安皇太后萬壽聖節。禮儀服色。請旨遵辦等語。朕奉慈安皇太后

慈禧皇太后懿旨。是日著停止升慈寧宮寶座。毋庸設立儀仗。皇帝於行禮時用龍褂。毋庸照例服用龍袍。禮畢常服。其初七初八十一十三十四十五等日。均

仍素服。王公百官於正日行禮時。毋庸照例穿蟒袍。咸補服。挂朝珠。禮畢常服。挂朝珠。其初七初八十一十三十四十五等日。均常服。不挂朝珠。內庭宮眷及公主福晉命婦。均著停止行禮。○七月十二日。

慈安皇太后萬壽聖節。工部官豫備進表黃案於

乾清門階下。由內監昇至。

養心殿內。設於東旁。內閣學士恭奉慶賀。

慈安皇太后表文。安置匣內。內閣官前導。大學士隨行。

由

協和門中門出至

景運門外。大學士接奉。禮部堂官前引。進至
乾清門。授內監恭奉。

養心殿內。安設黃案上。禮部官設。王公百官慶賀。

慈安皇太后表丈於

午門外龍亭內。辰時。

穆宗毅皇帝御尋常袍龍褂。於

養心殿行禮。王以下二品以上大臣。在

慈寧門外。三品以下各官。在

午門外行禮。○十月初十日。

慈禧皇太后萬壽聖節奉

旨。著照本年七月

慈安皇太后萬壽聖節行禮禮儀辦理。○二年。

兩宮

皇太后萬壽聖節。暫行停止筵燕。○五年。

慈安皇太后萬壽聖節。欽奉

懿旨。今年停止筵燕。其在外公主福晉命婦。著進內行

禮。○又

諭

慈安皇太后萬壽聖節。是日進內之福晉命婦。在

慈寧宮行禮。禮成後。呈遞如意。○十一年。

慈禧皇太后萬壽聖節。欽奉

懿旨。今年停止筵燕。其在外公主福晉命婦。著進內行禮。○又

諭總管內務府大臣。應行進內行禮之福晉命婦等。除有因不克進內外。其餘託故不到。並有前期未據呈報者。如此玩忽。實屬不成事體。嗣後若再有無故不到者。著總管內務府大臣即行指名奏參。若扶同徇隱。一併將該大臣等重懲不貸。○又

諭總管內務府大臣。著傳知應行進內行禮之命婦等。嗣後凡遇進內行禮。俱著豫備如意。○十三年奉

旨。

慈禧端佑康頤皇太后四旬大慶。王公大臣都統等。應進獻禮物。著於十月初六日。在乾清門交奏事處呈進。○又奉

旨。

慈禧端佑康頤皇太后四旬萬壽。著自十月初一日至十五日。俱穿蟒袍補服。○又

諭。本年十月初十日。恭逢

慈禧端佑康頤皇太后四旬萬壽。禮部題請照例行禮筵燕奉。

懿旨。是日在慈寧宮行禮。至禮成後。內庭自有筵燕。所請照例筵燕之處。毋庸舉行。其在外公主福晉命婦。著進內行禮。○又

諭。本年十月初十日恭遇

慈禧端佑康頤皇太后四旬萬壽慶辰。謹照乾隆六年皇太后五旬萬壽加賞八旗年老人等成案。所有在京八旗官員及男婦太監等年六十以上者。均著加以恩賞。○又覆准恭遇慶賀典禮。各省將軍提鎮凡係署任人員。具表慶賀者。其進獻緞疋之處。亦應敬謹備辦。屆期恭進。○光緒元年

諭禮部題本年七月十二日。

慈安端裕康慶皇太后萬壽聖節禮儀。朕奉

慈安端裕康慶皇太后

慈禧端佑康頤皇太后懿旨。是日著停止升慈寧宮寶
座。停止筵燕。毋庸設立儀仗。樂仍設而不作。皇帝於
養心殿行禮。王公大臣二品以上各員。在慈寧門外
行禮。三品以下各員。在午門外行禮。所有內庭宮眷
及公主福晉命婦。均著停止行禮。○七月十二日。

慈安端裕康慶皇太后萬壽聖節。

皇帝行禮時。御龍袍。袂服。初七初八十一十三十四

十五等日。均常服挂朝珠。其王公百官。正日成衣蟒袍補褂。前三日後三日。均常服挂朝珠。內庭宮眷行禮時。俱用吉服挂朝珠。前三日後三日。均常服。○又

諭禮部題

慈禧端佑康頤皇太后萬壽聖節禮儀。朕奉

慈安端裕康慶皇太后

慈禧端佑康頤皇太后懿旨。均著照六月十二日所奉

旨行。○二年。

慈安端裕康慶皇太后四旬萬壽聖節。欽奉

慈旨停止進獻禮物。○又

諭本年七月十二日恭遇

慈安端裕康慶皇太后四旬萬壽。著查照成案。將在京
八旗官員及男婦太監等年六十以上者。均加恩
賞。○又奉

旨。除七月初九初十日照例素服外。著自七月初七
日至十五日。俱穿蟒袍補服。○七月十二日。

慈安端裕康慶昭和莊敬皇太后四旬萬壽聖節。

皇帝率王公大臣等行宣表慶賀禮。三品以下各官

在

午門外行禮。停止筵燕作樂。在外公主福音命婦。俱進內行禮。○十月初十日。

慈禧端佑康頤昭豫莊誠皇太后萬壽聖節奉

旨。朕奉

皇太后懿旨。在養心殿行禮。毋庸設立儀仗。樂仍設而不作。王公大臣二品以上各員。在慈寧門外行禮。三品以下各員。在午門外行禮。內庭宮眷及在外公主福音命婦。均著停止行禮。○七年。

慈禧端佑康頤昭豫莊誠皇太后萬壽聖節。

諭。奉

懿旨。是日著停止升慈寧宮寶座。停止筵燕。毋庸設立儀仗樂仍設而不作。皇帝於養心殿行禮。王公大臣二品以上各員。在慈寧門外行禮。三品以下各員。在午門外行禮。所有內庭宮眷及公主福晉命婦均著停止行禮。又奏准。

慈禧端佑康頤昭豫莊誠皇太后萬壽聖節應用服色均與光緒元年同。○八年

諭。禮部題本年十月初十日

慈禧端佑康頤昭豫莊誠皇太后萬壽聖節禮儀請旨遵行等語。朕奉

懿旨。著照上年九月初一日所奉旨行。○十年。

慈禧端佑康頤昭豫莊誠皇太后五旬萬壽聖節。欽奉
懿旨。停止進獻禮物。○又奉

旨。著自十月初一日至二十日。俱穿蟒袍補服。○又
諭。本年十月初十日。

慈禧端佑康頤昭豫莊誠皇太后五旬萬壽。奉

懿旨。是日在慈寧宮行禮。其在外公主福晉命婦。著進
內行禮。○又

諭。本年十月初十日。恭遇

慈禧端佑康頤昭豫莊誠皇太后五旬萬壽慶辰。所有

在京八旗官員及男婦太監等年六十以上者均著加以恩賞。○十九年

論據總辨

萬壽慶典王大臣世鐸等會同禮部奏稱明歲皇太后六旬萬壽自頤和園還宮

金輦由何處乘御及

蹕路經由之處請旨遵行一摺朕欽奉

慈禧端佑康頤昭豫莊誠壽恭欽獻皇太后懿旨還宮

日由頤和園東宮門外綵殿乘輦經由石路至倚虹堂少坐進西直門地安門至西華門內咸安門外綵

殿降輦乘轎還宮。皇帝於是日由東宮門外率王公百官跪送。扶掖金輦至牌樓。乘騎導引。至石路乘轎先行。在西華門內跪迎。王公百官在西華門外跪迎。欽此。所有一切應辦事宜。著各該衙門先期敬謹豫備。以昭慎重。○又

諭。據總辦

萬壽慶典。王大臣世鐸等會同內務府奏稱。恭查乾隆年間。歷次

慶典。自西華門至西直門。將兩旁街道鋪面量加修葺。並搭蓋經壇戲臺。分段點設景物。各在案。明歲恭

逢

皇太后六旬萬壽。可否照案辦理。請旨遵行。一摺。朕謹
援成案。竭誠額懇。欽奉。

慈禧端佑康頤昭豫莊誠壽恭欽獻皇太后懿旨。西直
門外關廟一帶。及城內蹕路所經。著平治潔淨。兩旁
鋪面房間。稍加修葺。至點設景物等項。著相度地勢。
酌量辦理。不得踵事增華。致滋糜費。欽此。朕仰承
俞旨。欽悅實深。即著該王大臣等。將一切應辦事宜。敬

謹妥議具奏。又

諭。明年恭逢

慈禧端佑康頤昭豫莊誠壽恭欽獻皇太后六旬萬壽。

元旦令節。

慈禧宮行慶賀禮。朕欽奉。

懿旨。皇帝親進表文。欽此。所有應行禮節。該衙門敬謹。

豫備。又奉。

旨。朕欽奉。

慈禧端佑康頤昭豫莊誠壽恭欽獻皇太后懿旨。光緒二十一年十月初三日申刻。皇帝率領王公百官。詣仁壽殿筵燕。皇帝進壽。初四日巳刻。皇后率領妃嬪等。位公主福晉命婦等。詣仁壽殿筵燕。皇后进壽。初五。

日辰刻還宮。初六日午刻詣

壽皇殿行禮。初八日午刻還頤和園。初十日巳刻御排
雲殿受賀。十二日卯刻皇帝率領近支王公等詣仁
壽殿延燕進舞。十三日申刻皇后率領妃嬪等位公
主福晉命婦等家燕。十七日辰刻還宮。皇帝在萬壽
寺進膳。○二十年奉

旨。本年

慈禧端佑康頤昭豫莊誠壽恭欽獻皇太后六旬萬壽。
著自十月初一日起穿蟒袍補褂一月。○又

諭。朕欽奉

慈禧端佑康頤昭豫莊誠壽恭欽獻崇熙皇太后懿旨
本年十月予六旬慶辰率土臚歡同深抃祝屆時皇
帝率中外臣工詣萬壽山行慶賀禮自大內至頤和
園沿途蹕路所經臣民報效點綴景物建設經壇予
因康熙乾隆年間歷屆

盛典崇隆垂為

成憲又值民康物阜海宇乂安不欲過為矯情特允皇
帝之請在頤和園受賀詎意自六月後倭人肇衅變
亂藩封尋復毀我舟船不得已興師致討刻下干戈
未戢征調頻煩兩國生靈均罹鋒鏑每一思及惘悼

何窮。前因念士卒戰陣之苦，特頒內帑三百萬金，俾資膳餼。茲者慶辰將屆，予亦何心侈耳目之觀，受臺萊之祝耶？所有慶辰典禮，著仍在宮中舉行，其頤和園受賀事宜，即行停辦。欽此。朕仰承懿旨，孺懷實有未安，惟再三額請，未荷。

慈俞敬維

盛德所關，不敢不欽遵宣示。各該衙門即遵諭行。○又諭朕欽奉

慈禧端佑康頤昭豫莊誠壽恭欽獻崇熙皇太后懿旨。本年十月初十日慶辰典禮，皇帝親進表文。欽此。所

有應行禮節。該衙門敬謹豫備。○又

諭本年十月初十日恭逢

慈禧端佑康頤昭豫莊誠壽恭欽獻崇熙皇太后六旬
萬壽。素經欽奉

懿旨。慶辰典禮。仍在宮內舉行。所有慶賀及筵燕各事
宜經朕額懇

慈俞。十月初十日在皇極殿受賀。初五日朕率領王公
百官。詣皇極殿筵燕。朕親進爵。初六日皇后率領
妃嬪等位公主福晉命婦等。詣皇極殿筵燕。皇后
進爵。十二日朕率領近支王公等。詣皇極殿筵燕。

進舞十三日皇后率領妃嬪等位公主福晉命婦等家燕其應行典禮著各該衙門敬謹豫備○又

欽奉

懿旨本年十月予六旬慶辰皇帝率天下臣民臚歡祝嘏前經降旨內而王公一二品文武大臣外而將軍督撫都統副都統提鎮照例應進貢物緞疋均著毋庸進獻以示體恤茲當慶典屆期該王公大臣等仍循舊例呈進貢物係屬出於至誠若仍不允准無以申臣下將敬之忱轉似近於矯情均著加恩賞收所有此次呈進貢物之王公大臣等著各賞給福字一

衣壽字一方如意一柄蟒袍一件尺頭二疋用示行慶施惠至意

元日

皇后宮慶賀。順治八年定元日

皇后儀仗全設

皇后詣

皇太后宮行禮畢還宮。公主和碩福晉以下都統子尚

書命婦以上俱詣

皇后宮行禮。康熙八年定元日設

皇后儀駕於

太和殿時修工尚未竣前設丹陛大樂於

中和殿前

皇后詣

太皇太后

皇太后宮行禮畢。還宮升座。公主福晉以下。縣君鎮國

將軍夫人以上。民公侯伯以下。都統子尚書命

婦以上。咸朝服行慶賀禮。○十年奏。○設

皇后儀駕丹陛大樂於

坤寧宮前。○雍正元年奉

旨。皇后宮三大節朝賀。俟三年後舉行。○嘉慶十年

諭。據禮部具題慶賀元旦令節禮儀一本已另降諭旨。照例行禮。停止。是燕奠慶賀元旦令節典禮。攸歸王公百官等。在朕前行禮。公主福晉命婦等。在皇后前行禮之處。該部自應分析題奏。乃閱本內所進慶賀禮儀。將公主福晉命婦等。在皇后前行禮一節。一併列入。並將公主福晉命婦等。應否進內行禮。夾片請旨。殊屬非是。禮部堂官著交部察議。嗣後著將元旦令節。公主福晉命婦等。應否進內行禮。另摺請旨。所有此次題請。明年元旦。公主福晉命婦等。進內行禮之處。著停止。○道光三年元旦。公主福晉命婦隨

皇后詣

皇太后宮行禮畢俟

皇后暨

內庭主位還宮後即出

慈祥門進

啓祥門詣

皇后宮行禮畢出

蒼震門

長至節

皇后宮慶賀。順治八年定長至次日。

皇后儀仗全設行禮儀節與元日同。康熙八年定。
長至次日行禮與元日同。

千秋節慶賀。順治八年定。

皇后千秋節儀仗全設行禮儀節與元日同。康熙
十一年定。

皇后千秋節儀駕樂器各陳設如儀。

皇后率公主福晉以下都統子尚書命婦以上詣

太皇太后

皇太后宮行禮畢還宮升座。公主福晉以下行慶賀禮。

與元日同。雍正六年題准。

皇后千秋節王公百官咸蟒袍補服。○乾隆十六年
奏者

皇后千秋節正值祇謁

泰陵停止應行典禮賀箋仍屆期送闕。○嘉慶四年

諭皇后千秋節王公大臣文武官員俱著穿石青褂挂
朝珠明年照此舉行。○又奉

旨公主王妃命婦俱不進內。○二十年

諭本年十月皇后四十壽辰一應禮儀俱照常年舊例
王公大臣官員仍穿蟒袍一巾不准呈遞如意貢品
其內務府大臣官員著於初九初十十一日穿蟒袍

三月。內務府大臣。在其呈遞如意食品。至例應行禮之福晉格格命婦等。屆期由內務府大臣開單具奏。經朕圈出者。准其進內行禮。其出聘外藩之格格等。俱不准額請來京行禮。亦不准進貢品。○二十四年。諭。禮部每年具題皇后千秋。應行禮儀一本。均夾單聲明在外之公主福晉命婦等。是否進內行禮。請旨。內閣票擬雙籤。嗣後著禮部毋庸每年夾單聲請。內閣止擬照例行禮。停止筵燕單籤進呈。惟遇皇后正壽之年。禮部照嘉慶二十年之例。仍將公主福晉命婦等。是否進內行禮之處。夾單聲請。候旨遵行。○道光

元年。

皇后千秋令節。

皇后具吉服詣

皇太后前

宣宗成皇帝前行禮。

內庭主位詣

皇后前行禮。在外公主福晉命婦。照嘉慶四年之例。

停止行禮。王公百官俱穿常服。挂朝珠。○二年。

皇后千秋令節。服色與元年同。○三年。

皇后千秋令節。

皇后率

內庭主位內外公主福晉及二品以上大臣命婦
等具禮服詣

皇太后宮行禮畢率

內庭主位詣

宣宗成皇帝前行禮禮成

皇后還宮內監奏請

皇后御內殿引

內庭主位內外公主福晉及二品以上大臣命婦

等詣

皇后前行禮王公百官咸衣蟒袍補服一甲。○十四
年攝六宮事

皇貴妃千秋令節

皇貴妃詣

皇太后前

宣宗成皇帝前行禮

皇貴妃還宮御殿

內庭主位等行六肅三跪三拜禮

皇子詣

皇貴妃宮行三跪九叩禮。○十七年

皇后三旬千秋令節奉

旨。照例行禮。停止筵燕。其在外福晉命婦進內行禮之處。並著停止。○咸豐二年

諭。本年皇后千秋。毋庸陳設儀駕。冊立典禮。於十月內舉行。○三年

諭。向遇皇后千秋。無論宮內圓明園。皆是龍袍補服行家禮。並不御殿受賀行禮。嗣後如遇在宮內時。亦不必請旨用何服色行禮。禮節仍照舊進。○六年

皇后千秋令節奉

旨。照例行禮。停止筵燕。其在外公主福晉命婦著進內

行禮。○同治十二年。

皇后千秋令節。

皇后率

內庭主位詣

慈安端裕康慶皇太后

慈禧端佑康頤皇太后前行禮禮成率

內庭主位詣

穆宗毅皇帝前行禮禮成後

皇后還宮內監豫設

皇后儀駕樂懸奏請

皇后御內殿引

內庭主位等詣

皇后前行禮是日。王公百官咸衣蟒袍補服一日。

十三年奉

旨。皇后千秋自六月二十九日起穿蟒袍三日。○光緒十七年正月初十日。

皇后千秋令節。王公百官咸衣蟒袍補服一日。

欽定大清會典事例卷三百二

禮部

尊榮

皇太后

尊榮禮節

恭上

徽號

太皇太后

皇帝

尊號

徽號

尊崇禮節○凡恭上

皇太后

尊號

徽號之禮前一日遣官各一人祇告

天

地

太廟後殿

奉先殿

社稷如常儀。是日早。饗儀衛。豫陳
皇太后儀駕於

慈寧門外。至

長信門外。內監陳中和韶樂於

慈寧宮檐下。陳丹陛大樂於

長慶門內。禮部鴻臚寺官豫設黃案一於

中和殿內正中。又設黃案一於

慈寧門楹外正中。執事官豫設

皇帝拜褥於

慈寧門正中黃案之南大學士一人朝服奉

奏書函內閣中書前導至

中和殿大學士奉

奏書陳於

殿內正中黃案展書加函上退俟於東檐謹案乾隆四十

一年崇上 皇太后徽號儀節大學士屆
自內閣奉 奏書詣 慈寧宮恭進 屆

時禮部堂官奏請

皇帝具禮服出宮

皇帝御中和殿北嚮閱

奏書畢。轉立東次西嚮。大學士進納書函內。恭奉奏書由

殿中門出。

皇帝乘輿。禮部堂官前引詣

皇太后宮。至

永康左門外降輿。至

慈寧門前。大學士奉

奏書由中階升。卻立於左門之東西面。禮部堂官引皇帝由東階升。至

慈寧門左西嚮立。大學士一人由西階升。立於西檐

下宣讀官一員從升。少後立。鳴贊官二員分立於東西檐下。禮部堂官轉傳內監奏請。

皇太后御慈寧宮。

皇太后具禮服出內宮。中和韶樂作。奏豫平之章。

皇太后升座。樂止。禮部堂官引。

皇帝詣。

慈寧門正中拜褥上立。大學士二人進至案前左右立。鳴贊官奏跪。

皇帝跪。大學士跪進。

奏書於右。

皇帝受奏書恭獻。大學士跪接於左。奉置正中案上。俱退。鳴贊官贊宣。

奏書。宣讀官進至案前恭奉。

奏書跪宣訖。仍置案上退。奏拜興。丹陛大樂作。奏益平之章。

皇帝行三跪九拜禮。樂止。復原位立。禮部堂官轉傳內監奏請。

皇太后還宮。中和韶樂作。奏履平之章。

皇太后還內宮。樂止。禮部堂官奏禮成。引。

皇帝由

永康左門出乘輿還宮內監舉

奏書案入大學士以下皆退。謹案乾隆三十六年

崇上 徽疏 高宗純皇帝於

春園進 奏書儀節是日早鴻臚寺豫設黃

案一於 楊春園 御仗於 三事殿內正中鑿儀

衛設龍亭華蓋 御仗於 園明園宮門外樂

部設導迎樂於龍亭前內閣禮部堂官率屬俱

蟒袍補服祇候 圖明園大宮門外大學士自

內閣奉 奏書出陳於龍亭內校尉昇亭華

蓋 御仗前導導迎樂作內閣禮部官前引大

學士學士禮部堂官隨行至 楊春園大宮門

外樂山大學士於龍亭內奉 奏書內閣學

士禮部堂官前引入 楊春園大宮門至 九

經三事殿內大學士恭奉 奏書陳於黃案

上禮部堂官轉傳內監總管恭奉 奏書詣

皇太后宮陳詔屆時 高宗純皇

帝龍袍宸服詣 楊春園請 皇太后 屈吉

后安禮成還 圖明園大學士等皆退

恭進

冊

寶。是日早陳。

皇帝法駕鹵簿樂懸於

太和殿外陳。

皇太后儀駕樂懸於

慈寧宮。均如儀。禮部鴻臚寺官豫設黃案一於

太和殿內正中。又設黃案一於

慈寧宮門檻外正中。又設黃案一於東旁。又設黃案一

於階下正中。執事官設

皇帝拜褥於

慈寧門正中黃案之南又設

冊

寶龍亭二座於內閣門外鴻臚寺官引王公於

太和門前二品以上大臣於

右翼門外三品以下文武各官於

午門外俱朝服按翼恭候屆時內閣禮部官奉

冊

寶於盞奉宣讀

冊

寶於函分置亭內。校尉昇亭。禮部司官前導。自內閣起

由中路由行。

冊亭在前。

寶亭在後。至

太和殿設

冊

寶亭於黃案左右。內閣禮部官奉

冊

寶置正中黃案上。

冊東

寶西

謹案乾隆四十一年崇上

諭恭奉

皇太后

皇太后徽號奉
諭每停止恭閱

寶冊

鴻臚寺官引王公至

太和殿丹陛上分翼排立禮部堂官奏請

皇帝具禮服出宮

午門鳴鐘鼓

皇帝御太和殿中和韶樂作奏海上蟠桃之章

皇帝北嚮閱

冊

寶誌樂止

謹案道光二年和碩悫親王綿悫面奉
聖母皇太后慶賀

諭旨嗣後恭遇

大典朕進
所備海上蟠桃中和清樂著於朕御殿閱視爾部

冊

寶大臣奉置亭內。校尉昇亭自

太和殿中階下依次行。禮部堂官前引。提鑪華蓋前導。

皇帝出殿門乘輿。謹案喜慶二十五年崇上恭德皇太后殿。查照乾隆二十

六年成案請宣宗成皇帝御太和殿。與處乘輿由中右門出。右翼門詣禮部堂。後歷屆禮部均後案夾片聲明。

冊寶畢於太和殿後隔扇降

殿乘輿後再行止樂。再於亭前添設導迎樂。即從太和殿引至永康左門而止。其進奏書之用。奉導迎樂毋庸添設。

啟樂候朕閱視畢。旁立該大臣恭奉冊寶。安置亭內。校尉進殿昇亭前。朕出

殿乘輿後再行止樂。再於亭前添設導迎樂。即從太和殿引至永康左門而止。其進奏書之用。奉導迎樂毋庸添設。

冊寶畢於太和殿後隔扇降

冊寶畢於太和殿後隔扇降

冊寶畢於太和殿後隔扇降

冊寶畢於太和殿後隔扇降

冊寶畢於太和殿後隔扇降

冊寶畢於太和殿後隔扇降

冊寶畢於太和殿後隔扇降

冊寶畢於太和殿後隔扇降

冊寶畢於太和殿後隔扇降

冊寶畢於太和殿後隔扇降

冊寶畢於太和殿後隔扇降

冊寶畢於太和殿後隔扇降

冊寶畢於太和殿後隔扇降

冊寶畢於太和殿後隔扇降

冊寶畢於太和殿後隔扇降

冊寶畢於太和殿後隔扇降

冊寶畢於太和殿後隔扇降

冊寶畢於太和殿後隔扇降

冊寶畢於太和殿後隔扇降

冊寶畢於太和殿後隔扇降

冊寶畢於太和殿後隔扇降

部堂官前引詣

皇太后宮。是時階陛上排立之王公等暨

右翼門祇候之大臣侍衛等俱於原立處候

冊

寶亭

御駕過時。疏候。隨後行至紅牆鴻臚寺官引未入八
分公以下大臣侍衛等先由

長慶門進。按翼排立。

冊

寶亭至

永康左門華蓋止。禮部堂官導由中路前行。

皇帝降輿隨後行至。

慈寧門前亭止奉。

冊

寶大臣於龍亭內恭奉。

冊

寶置階下所設案上。大學士二人奉宣讀。

冊

寶設於東旁案上。退卻立於案東。禮部堂官引。

皇帝由東階升。至。

慈寧門左西嚮立。大學士二人由西階升。立於西檐下。宣讀官二員從升。稍後立。鳴贊官二員分立於東西檐下。禮部堂官轉傳內監奏請。

皇太后御慈寧宮。

皇太后具禮服出內宮。中和韶樂作。奏豫平之章。皇太后升座。樂止。奉

冊

寶大臣就階下案奉

冊

寶升中階。設於正中案上。退。禮部堂官引

皇帝詣

慈寧門正中拜褥上立。鴻臚寺官引王公於階下。大

臣侍衛等在

長信門外儀駕之末。前引大臣在

長信門內儀駕之末。各按翼排立。鳴贊官奏跪。

皇帝跪。王以下諸臣皆跪。鳴贊官贊進。

冊

寶。大學士由東旁案上奉宣讀

冊

寶依次跪進。

皇帝受

冊

寶恭獻。授西旁大學士。跪接起。奉置正中案上。俱退。鳴

贊官贊宣

冊

寶宣讀官依次從案上奉

冊

寶跪宣訖。仍置案上退。謹案乾隆四十二年。崇上
皇太后后徽號。高宗純

皇帝恭獻

宣讀

冊文

冊

寶宣表官宣表不
寶文嘉慶二十五年。

恭上

旨軍讀

皇太后后徽號。日總管內監傳

冊

寶畢

皇帝

行一拜禮興。嗣後歷屆禮節均於退字下著宮
鳴贊官奏拜興。皇帝行一拜禮興二語宮
殿監侍等二員前引四員舉

冊

寶案安設於

慈寧宮中隔扇檻外正中。鳴贊官奏拜興。丹陛大樂作。

奏益平之章。

皇帝率諸王大臣行三跪九拜禮。

午門外祇候各官。由內接傳隨班行禮。鳴贊官奏
禮成樂止。禮部堂官引

皇帝仍至原位立。鴻臚寺官引諸王大臣各復原位

立。禮部堂官轉傳內監奏請。

皇太后還宮。中和韶樂作。奏履平之章。

皇太后還內宮。樂止。禮部堂官奏禮成。引。

皇帝由

永康左門出。乘輿還宮。是日

皇后具禮服率

皇貴妃

貴妃

妃

嬪公主福晉命婦詣

皇太后宮行慶賀禮。

皇子

皇孫於

皇太后前行禮如儀。

禮宗乾隆二十六年崇上
高宗純皇帝

閣和殿中階下出

冊

右翼門

實畢校尉并龍亭自

高宗純皇帝

出於太和殿後隔扇降輿處乘輿由

皇太后徽

出右翼門三十六年崇上

此儀節本內翼日

火片聲明

皇帝御太和殿。王公百官上表行禮如三大節儀。頒

詔布告天下。

恭上

太皇太后

皇太后

尊號

徽號○崇德八年

世祖章皇帝嗣位尊

母后皇后為

皇太后

聖母為

皇太后○順治八年

世祖章皇帝躬親大政恭上

聖母皇太后徽號曰

昭聖慈壽皇太后。前期一日。

世祖章皇帝禮服

御中和殿北嚮閱

奏書畢詣

昭聖慈壽皇太后宮。恭上

奏書。屆期

世祖章皇帝禮服

御太和殿閱

冊

寶畢率王公百官詣

昭聖慈壽皇太后宮恭上

冊

寶禮成次日

世祖章皇帝御太和殿王公百官進表行慶賀禮頌

詔布告天下○是年八月

世祖章皇帝大婚禮成加上

昭聖慈壽皇太后徽號曰

昭聖慈壽恭簡皇太后○十一年

世祖章皇帝大婚禮成加上

昭聖慈壽恭簡皇太后徽號曰

昭聖慈壽恭簡安懿皇太后。○十三年。

冊封

皇貴妃加上

昭聖慈壽恭簡安懿皇太后徽號曰

昭聖慈壽恭簡安懿章慶皇太后。以上典禮均與順治

八年同。○十八年。

聖祖仁皇帝嗣位尊

聖祖母皇太后為

太皇太后尊

母后皇后為

皇太后

聖母為

皇太后。○康熙元年恭加上

聖祖母太皇太后徽號曰

昭聖慈壽恭簡安懿章慶敦惠太皇太后恭上

母后皇太后徽號曰

仁憲皇太后恭上

聖母皇太后徽號曰

慈和皇太后。時以諒陰不朝賀。前期分遣官祇告

天

地

太廟

社稷次日進表頌

詔天下均如儀。○四年

聖祖仁皇帝大婚禮成。加上

昭聖慈壽恭簡安懿章慶敦惠太皇太后徽號。曰

昭聖慈壽恭簡安懿章慶敦惠溫莊太皇太后。加上

仁憲皇太后徽號。曰

仁憲恪順皇太后。先期一日。同上

太皇太后

皇太后奏書。大學士二人奉

太皇太后奏書。陳設於

中和殿黃案正中奉

皇太后奏書。陳設於東旁稍後。

聖祖仁皇帝禮服

御中和殿北嚮閣

奏書畢。大學士二人奉

奏書前行。

聖祖仁皇帝乘輿從。豫設黃案一於

隆宗門外。

仁憲皇太后奏書暫陳於黃案少俟先詣

太皇太后宮恭上

奏書禮成次詣

仁憲皇太后宮恭上

奏書均行禮如儀屆期陳設

冊

寶如儀設

太皇太后冊寶龍亭於

太和殿正中設

仁憲皇太后冊寶龍亭於東稍後。

聖祖仁皇帝御太和殿閱

冊

寶畢奉

冊

寶官奉安亭內鑿儀衛校尉昇亭前行。

聖祖仁皇帝乘輿從。

仁憲皇太后冊寶龍亭於

隆宗門外少俟先詣

太皇太后宮恭上

冊

寶禮成次詣

仁憲皇太后宮恭上

冊

寶王公百官咸朝服隨行禮如儀○六年

聖祖仁皇帝躬親大政加上

昭聖慈壽恭簡安懿章慶敦惠溫壯太皇太后徽號曰

昭聖慈壽恭簡安懿章慶敦惠溫壯康和太皇太后加

上

仁憲恪順皇太后徽號曰

仁憲恪順誠惠皇太后。○十五年

冊立

皇太子加上

昭聖慈壽恭簡安懿章慶敦惠溫莊康和太皇太后徽

號曰

昭聖慈壽恭簡安懿章慶敦惠溫莊康和仁宣太皇太
后加上

仁憲恪順誠惠皇太后徽號曰

仁憲恪順誠惠純淑皇太后。○二十年。滇黔蕩平。加上

昭聖慈壽恭簡安懿章慶敦惠溫莊康和仁宣太皇太

后徽號曰

昭聖慈壽恭簡安懿章慶敦惠溫莊康和仁宣弘靖太
皇太后。加上

仁憲恪順誠惠純淑皇太后徽號曰

仁憲恪順誠惠純淑端禧皇太后。以上典禮均與康熙

四年同。○六十一年。

世宗憲皇帝嗣位尊

聖母為

皇太后。恭上

徽號曰

仁壽皇太后。○雍正十三年。

高宗純皇帝嗣位尊

聖母為

皇太后。恭上

徽號曰

崇慶皇太后。前期遣官祇告

天

地

太廟

社稷。次日頒

詔布告天下。不行朝賀禮。均與康熙元年同。○乾隆二
年。

冊立

孝賢皇后。加上

崇慶皇太后徽號曰

崇慶慈宣皇太后。○十四年。

冊立

攝六宮事皇貴妃時值金川平定。加上

崇慶慈宣皇太后徽號曰

崇慶慈宣康惠皇太后。兩次

御殿受賀禮節統於恭上

皇太后徽號次日舉行屆期

高宗純皇帝率王公百官先詣

皇太后宮行禮畢

御殿受賀頌

詔天下○又奏准恭遇加上

皇太后徽號並

冊封

攝六宮事皇貴妃

貴妃

妃

嬪諸典禮。自四月初五日始至初九日。王公百官

入

內奏對及公所辦事。咸蟒袍補服。○十五年。

冊立

攝六宮事。皇貴妃為

皇后。加上

崇慶慈宣康惠皇太后徽號。曰

崇慶慈宣康惠敦和皇太后。○十六年。

聖母皇太后六旬萬壽。加上

崇慶慈宣康惠敦和皇太后徽號曰

崇慶慈宣康惠敦和裕壽皇太后以上典禮均與順治八年同○二十年平定準噶爾恭上

崇慶慈宣康惠敦和裕壽皇太后徽號曰

崇慶慈宣康惠敦和裕壽純禧皇太后典禮與乾隆十

六年同○二十六年

聖母皇太后七旬萬壽加上

崇慶慈宣康惠敦和裕壽純禧皇太后徽號曰

崇慶慈宣康惠敦和裕壽純禧恭懿皇太后典禮與乾

隆二十年同○三十四年

諭朕尊養

璇闈展愛承

歡一切務臻隆備前者每逢

慶典加上

聖母皇太后徽號悉遵會典成規故製金冊金寶以為

準儀昭虔程式宜然近檢稽體仁閣尊藏法物則

孝莊文皇后玉冊玉寶具存皆康熙年間

皇祖歷次加奉

太皇太后徽號所進者乃知冊寶原有刻玉之制因思

國家傳寶皆皆琢玉而下逮親藩封爵冊寶亦得范

金是嘉玉較視良金尤為寶貴越歲辛卯恭遇

聖母八旬萬壽朕將躬率羣臣恭加

徽號用洽彝章所奉

冊

寶自宜備極尊崇以稱朕尊

親茂慶之志著大學士會同該部博稽舊典敬謹詳議
以聞○三十六年

聖母皇太后八旬萬壽加上

崇慶慈宣康惠敦和裕壽純禧恭懿皇太后徽號曰

崇慶慈宣康惠敦和裕壽純禧恭懿安祺皇太后典禮

與二十六年同。○四十一年平定金川。加上

崇慶慈宣康惠敦和裕壽純禧恭懿安祺皇太后徽號。

曰

崇慶慈宣康惠敦和裕壽純禧恭懿安祺寧豫皇太后。

○是年奉

旨。不御太和殿閱

冊

寶。欽此。屆期奉

冊

寶大臣。由內閣恭奉出。至

慈寧門陳設大學士跪進

皇帝恭獻其

表文亦不宣讀。餘俱與三十六年同。○又

諭。茲因平定金川恭上

皇太后徽號。令典所載。屆期應御太和殿閱視

冊

寶。隨奉至

慈寧宮躬進。並宣表行慶賀禮。昨奉

皇太后懿旨。是日儀典繁重。皇帝春秋已越六旬。若拜

跪太久。予心憐之。止須將冊寶豫陳殿中。至時皇帝

率王公大臣行禮。即表文亦毋庸宣讀。欽此。仰見
聖母慈愛備至。

體恤周詳。但自念精力尚健。拜跪不覺過勞。因奏
聖母云。恪遵

溫諭。酌省恭閱

冊

寶一節。以副

慈懷。其餘仍循儀典。以展尊敬之忱。至恭慶

聖母九旬萬壽。當悉遵此次

恩訓而行。仰邀

俞允。洪惟

宣庭集福承

慶方長體

懿慈更足以申愛慕。著內閣禮部存記。於辛丑年恭逢

萬壽慶典。加上

徽號。敬謹遵照具儀以聞。○嘉慶二十五年。

宣宗成皇帝嗣位尊

聖母為

皇太后。恭上

徽號曰

恭慈皇太后典禮與雍正十三年同。○進

冊

寶日。總管內監傳

旨宣讀

冊

寶畢。

皇帝行一拜禮。興內監等昇

冊

寶案。移設

慈寧宮門檻外。鴻臚寺鳴贊官贊行三跪九拜禮。○又

奉

旨。十二月初一日。應穿貂褂者。穿貂褂挂朝珠。不應穿貂褂者。常服挂朝珠。初二日。應穿貂褂及不應穿貂褂者。均補服一日。初三日。服色與初一日同。道光二年。

冊立

孝慎成皇后。加上

恭慈皇太后徽號。曰

恭慈康豫皇太后。○八年。平定回疆。加上

恭慈康豫皇太后徽號。曰

恭慈康豫安成皇太后。○又

諭本年加上

聖母皇太后徽號。前據禮部題請應用

金冊

金寶。茲據內務府聲明請旨。乾隆年間歷屆加上徽號。既經博考彝章。將恭奉

冊

寶改用嘉玉。並將編入喜字號玉料。交內務府敬謹存貯。以備舉行慶典時鑄用。此次恭上

聖母皇太后徽號。自宜遵用玉

冊五

寶以極尊崇。○十四年

冊立

攝六宮事皇貴妃為

皇后。加上

恭慈康豫安成皇太后徽號曰

恭慈康豫安成莊惠皇太后。○十五年

皇太后六旬萬壽。加上

恭慈康豫安成莊惠皇太后徽號曰

恭慈康豫安成莊惠壽禧皇太后。以上典禮均與乾隆

二年同。二十五年

諭本年十月恭逢

聖母皇太后七旬萬壽加上

徽號應躬進奏書

冊

寶並宣表行禮昨恭奉

皇太后懿旨慶賀儀典過於繁重拜跪需時皇帝春秋已逾六旬自宜節勞以示愛護此次慶賀行禮時所有奏書冊寶表文一概毋庸宣讀朕自維精力尚強拜跪可以如禮仍請悉循儀典藉展尊敬之忱奏懇

再三未邀

俞允仰見

聖母垂愛。憐憫無微不至。若不祇遵

溫諭。轉非所以上體

慈懷。此次恭進奏書

冊

寶。及慶賀表文。均即恪遵

懿訓。毋庸宣讀。又

諭。本年十月恭上

皇太后徽號。應進奏書

冊

寶。朕於初二日御太和殿恭閱。初五日在綺春園恭進
奏書。初六日在綺春園恭進

冊

寶。着欽天監敬謹選擇吉時具奏。具恭進

冊

寶時。朕親率王公百官行禮。該部即敬謹遵照具儀以
聞。又

諭。本年十月初二日朕恭閱奏書

冊

寶。所有法駕鹵簿。着毋庸陳設。中和清樂。照舊豫備。○

是年十月。

皇太后七旬萬壽。加上

恭慈康豫安成。壯惠壽禧。皇太后徽號。曰

恭慈康豫安成。壯惠壽禧。崇祺皇太后。前期。遣官祇告

天

地

太廟後殿

奉先殿

社稷。如常儀。初五日早。鴻臚寺官設黃案。於

綺春園二宮門外正中。工部設龍亭。鑾儀衛設華蓋。

御仗於

圓明園大宮門外。樂部設導迎樂於龍亭前。內閣禮部堂官率屬俱蟒袍補服祇俟。大學士自內閣開朝房奉

奏書出。陳於龍亭。校尉昇亭。華蓋

御仗前導。導迎樂作。內閣禮部官乘馬前引。大學士學士禮部堂官隨行。至

綺春園大宮門外亭止。大學士奉

奏書。內閣學士禮部堂官前引入。

綺春園大宮門中門至。

二宮門中門檻外。大學士恭奉。

奏書陳於案。內監舉。

奏書案入宮門。監侍二員前引詣。

皇太后宮陳設。

宣宗成皇帝恭詣行禮。禮成。初六日早。

皇太后儀駕樂懸全設。鴻臚寺官豫設黃案一於。

綺春園二宮門外正中。又設黃案一於東旁。又設。

黃案一於階下正中。武備院官豫設。

宣宗成皇帝拜褥於

二宮門外正中黃案之南

皇子王公百官俱蟒袍補服於

綺春園石路之南按班排立祇俟工部豫設龍亭

二鑾儀衛設提鑪華蓋於

圓明園大宮門外樂部設導迎樂於龍亭前奉

冊

寶大臣自

圓明園內閣朝房奉玉

冊玉

寶於盞。大學士奉恭獻之。

冊

寶於函。分設龍亭內。校尉昇亭。

冊亭在前。

寶亭在後。導迎樂作。提鑪華蓋前導。內閣禮部官乘馬。

導引奉

冊

寶之。大學士大臣等隨行至。

綺春園石路之南。禮部堂官前引。

皇子王公百官皆跪候過興。

冊

寶亭至

大宮門外導迎樂暨華蓋等止。禮部堂官前導。至二宮門外階下亭止奉

冊

寶大臣於龍亭內恭奉玉

冊玉

寶。陳於階下所設案上。大學士二人奉恭獻之

冊

寶。由中階升。陳於東旁黃案上。屆時

宣宗成皇帝具龍袍袞服乘輿至

綺春園大宮門外月臺下石路之西降輿禮部堂

官前引由東門入至

二宮門東次間少憩鴻臚寺官引

皇子親王以下入八分公以上由

大宮門左右門入在

二宮門外階下橋北兩旁排立未入八分公以下

二品以上文武官在

二宮門外橋南兩旁排立三四品京堂在

大宮門外月臺上文武各官在月臺下兩旁排立

大學士四人在階上東西祗俟奉

冊

寶大臣二人分立階下黃案東西祗俟禮部堂官引

宣宗成皇帝至

二宮門中門外左旁西嚮立內監奏請

皇太后御迎暉殿

皇太后具龍袍龍褂出內宮中和韶樂作奏豫平之章

皇太后升座樂止奉

冊

寶大臣就階下案奉

冊

寶升中階。設於檻外正中案上。退禮部堂官引

宣宗成皇帝至拜褥上立。鳴贊官奏跪。

皇子王公百官皆隨跪。贊進

冊

寶。大學士由東旁案上。奉恭獻之

冊

寶依次跪進。

宣宗成皇帝受

冊

寶恭獻。授西旁大學士。跪接興。奉設正中案上。俱退。鳴贊。官奏拜興。

宣宗成皇帝行一拜禮興。宮殿監侍等二員。前引四員。舉

冊

寶案進設於

迎暉殿檻外正中。鳴贊。官奏拜興。丹陛大樂作。奏益平之章。

宣宗成皇帝率

皇子王公百官行三跪九拜禮

二宮門外

大宮門外祇候各官。由內接傳隨班行禮。鳴贊官奏禮成。禮部堂官引。

宣宗成皇帝於門左西嚮立。樂止。

皇子王公百官各復原位立。

皇太后還宮。中和韶樂作。奏履平之章。

皇太后還內宮。樂止。禮部堂官奏禮成。引。

宣宗成皇帝由

大宮門東門出。乘輿還宮。

皇子王公百官俱退。翼日。

宣宗成皇帝御太和殿。王公百官上表如禮。頒
詔布告天下。○咸豐十一年。

穆宗毅皇帝嗣位尊

母后皇后為

皇太后。

聖母為

皇太后。○同治元年。恭上

母后皇太后徽號曰

慈安皇太后。

聖母皇太后徽號曰

慈禧皇太后表設不宣樂設不作典禮與嘉慶二十五年同○又奏准恭進

奏書

冊

寶頌

詔日王公百官服色亦與嘉慶二十五年同○又四月諭本月二十五日崇上

兩宮

皇太后尊號徽號著該部開列王公銜名奏請欽派於

前期一日恭詣

文宗顯皇帝

孝德顯皇后。元筵前告祭。以昭誠敬。○十一年。

穆宗毅皇帝大婚禮成。加上

慈安皇太后徽號。曰

慈安端裕皇太后。

慈禧皇太后徽號。曰

慈禧端佑皇太后。○十二年。

穆宗毅皇帝躬親大政。加上

慈安端裕皇太后徽號。曰

慈安端裕康慶皇太后。

慈禧端佑皇太后徽號曰

慈禧端佑康頤皇太后。典禮均與道光二年同。○光緒

元年。

皇帝登極。王公大學士九卿遵

旨議定。同治十三年十一月十五日所奉宗上

徽號

諭旨恭製

慈安端裕康慶皇太后玉

冊玉

寶一分

慈禧端佑康頤皇太后玉

冊玉

寶一分十二月十七日所奉崇上

徽號

諭旨恭製

慈安端裕康慶皇太后玉

冊玉

寶一分

慈禧端佑康頤皇太后玉

冊玉

寶一分。俟造成後擇吉恭進。○二年加上

慈安端裕康慶皇太后徽號曰

慈安端裕康慶昭和皇太后

慈禧端佑康頤皇太后徽號曰

慈禧端佑康頤昭豫皇太后。同日又加上

慈安端裕康慶昭和皇太后徽號曰

慈安端裕康慶昭和莊敬皇太后

慈禧端佑康頤昭豫皇太后徽號曰

慈禧端佑康頤昭豫莊誠皇太后。典禮均與同治元年

同。○十二年奉

慈禧端佑康頤昭豫莊誠皇太后懿旨。禮親王世鐸等
奏恭請加上徽號以光鉅典一摺。當經召見軍機大
臣。諭以時事多艱。正君臣交儆之時。所請加上徽號。
未便俯從。皇帝聞命後。再三籲懇。該大臣等復以上
遵。

成憲。下順人心。合詞陳請。自係出於至誠。惟念十餘年
來。垂簾聽政。惟日孜孜。無非仰體。

祖宗締造之艱。冀臻中外乂安之治。憂勤惕厲。不敢稍
安。前允諸臣所請。俟皇帝親政後。再行訓政數年。亦
惟兢兢以國事為重。昕宵默念。惟願。

天心眷佑。寰海澄清。爾內外大小臣工。務當忠赤為懷。盡心匡助。俾萬事咸登。上理克副。深宮期望之忱。正不必以崇上隆儀。始見尊親之義也。該王大臣等所請。加徽號之處。著毋庸舉行。○又奉

慈禧端佑康頤昭豫莊誠皇太后懿旨。睿親王魁斌等奏再行恭請加上徽號。以光孝治一摺。前據王大臣等奏請。恭上徽號。業經諭令毋庸舉行。茲復合詞上陳。重申前請。皇帝竭誠籲懇。再三跪求。純孝之忱。由中達外。深堪嘉悅。惟事親之道。以實不以文。亦與敬天之義相同。現在時事艱難。上下交儆。深宮惕厲。宵旰

不違。惟願皇帝勤求治理。惟日孜孜。務使中外乂安。與民同樂。孝養之道。孰大於是。內外大小臣工。果能仰體憂勤無己之懷。力戒因循。盡心匡濟。俾庶政咸臻。上理方見。爾諸臣尊崇之實。正不在鴻稱疊晉。徒事虛文也。該王大臣等所請加上徽號之處。仍著毋庸舉行。○十五年

皇帝大婚禮成。加上

慈禧端佑康頤昭豫莊誠皇太后徽號曰
慈禧端佑康頤昭豫莊誠壽恭皇太后。又

皇帝躬親大政。加上

慈禧端佑康頤昭豫莊誠壽恭皇太后徽號曰

慈禧端佑康頤昭豫莊誠壽恭欽獻皇太后均於前期

遣官祭告

天

地

太廟

奉先殿

社稷

皇帝禮服御中和殿北嚮閣

奏書畢詣

慈寧宮恭進屆期

皇帝禮服御太和殿閱

冊

寶畢率王公百官詣

慈寧宮恭上

冊

寶進表行禮次日

御殿受賀頌

詔布告天下○二十年

慈禧端佑康頤昭豫莊誠壽恭欽獻皇太后六旬萬壽

加上徽號曰

慈禧端佑康頤昭豫莊誠壽恭欽獻崇熙皇太后。典禮

與十五年同。

恭上

皇帝

尊號

徽號。○天命元年正月壬申朔。

太祖高皇帝即

皇帝位。貝勒羣臣恭上

尊號曰

覆育列國英明皇帝。○天聰十年四月乙酉。
太宗文皇帝建

國號曰大清。改元崇德。貝勒羣臣恭上

尊號曰

寬溫仁聖皇帝奉

諭朕以涼德祇承丕緒。加以尊號。懼無以慰衆望。爾等
勸進再三。屢辭勿獲。今敬告

天

地。允受尊號。爾諸貝勒大臣。當同心輔政。恪共厥職。以
匡朕之不逮。正己率屬。各殫忠誠。立綱陳紀。毋圖小

利。僕能建立功名。朕當隆以爵賞。尤須撫衆恤民。君臣一德。庶幾上合。

天心下遂。民志如此。則明良喜起。政治咸熙。萬民樂利。天益佑助之矣。布告天下。咸使聞知。○康熙二十年。王大臣九卿等以滇逆蕩平。請上

尊號奉

諭。大憝既除。寰宇底定。君臣之間。宜益加修省。恤兵養民。布宣德化。共致太平。其上尊號之事。斷不可行。○二十二年。九卿等以海寇底定。請上

尊號奉

諭臺灣僅彈丸之地。得之無所加。不得無所損。若稱尊號。即入於矜張粉飾矣。不必行。○二十六年。喀爾喀

土謝圖汗察罕車臣汗諾爾布及七旗濟農台

吉等請上

尊號奉

諭喀爾喀諸汗貝勒等。恪恭敬慎。具悉悃忱。宜仰體朕一視同仁。無分中外。至意。謹識朕諭和之旨。自茲以後。無相侵擾。親睦雍和。永享安樂。更甚於上。朕尊號也。所請不准行。○三十六年。王貝勒貝子公滿漢文武諸臣及士民等。以平額魯特噶爾丹。請上

聖神文武大德廣運尊號奉

諭朕御極四十年。自始至終。孜孜不倦。方今外寇既靖。正宜休養生息。徒加尊號。何益於治。不必行。毋復再奏。○四十一年。王貝勒貝子公大學士九卿文武諸臣及士民等。以明年

聖祖仁皇帝五旬萬壽。請上尊號奉

諭朕即位四十餘年。未嘗一刻不以民生休戚為念。遠邇安寧為本。若誇耀功德。取一時之虛名。大非朕意。不必敷陳。○又經諸王大臣等再三奏請。仍不允。○

五十年。王貝勒貝子公大學士九卿文武諸臣
及士民等。以恭遇

萬壽聖節。請上

聖神文武大德廣運尊號。奉

諭。朕自幼讀書。歷觀經史。持身務以誠敬為本。治天下
務以寬仁為尚。此心此念。恪守五十年。夙夜無間。即
纖悉細務。不敢稍有意忽。朕之御極年久。皆

祖宗厚德景福。積累留貽之所致。至於請上尊號。特虛
文耳。於朕躬毫無裨益。所奏知道了。○五十一年。王
貝勒貝子公文武諸臣等。以明年

聖祖仁皇帝六旬萬壽請上

聖神文武大德廣運尊號奉

諭朕臨莅日久。每於讀書鑒古之餘。念君臨天下之道。惟以實心為本。以實政為務。若侈陳功德。加上尊號。以取虛名。無益治道。朕所不喜。前諸王大臣等屢有奏請。朕曾手書批示。諭以斷不允行。前旨甚明。所奏知道了。○六十年。王貝勒貝子公滿漢大臣文武百

官等請上

聖神文武欽明睿哲大孝弘仁體元壽世至聖皇帝尊

號奉

諭從來所上尊號。乃歷代相沿陋習。本朝受命以來。惟以愛養萬民為務。今當修省圖治。加惠黎元。所奏慶賀無益。不准行。○乾隆十四年。王大臣等以平定金

川請上

尊號奉

旨不用。○二十年。王大臣等以平準噶爾請上

尊號奉

旨不用。○二十四年。王大臣等以平回部請上

尊號奉

諭諸王大臣等。以巴達克山汗素爾坦沙投誠。逆酋小

和卓木授首。準噶爾全局大定。具表奏賀。並請加上尊號。雖稱援據典章。而朕功成祇懼。彌切於懷。豈肯崇尚虛文。勉從所請。西陲一事。仰賴

上蒼福佑。

宗社鴻庥。殊勳速奏。隸版籍者二萬餘里。治軍書者不
及五年。載籍以來。實罕有倫比。而朕所深用愜心者
乃不在遠圖之式廓。而在

先烈之克成。欽惟

皇考付畀朕躬。夙夜勉圖。繼述矧在早年。備承

皇祖眷顧優隆。每遇軍國重務。即令面聆

聖訓籌畫。是朕躬之仔肩倍重。而續緒者亦倍艱。今以數載閒運籌決策之勞。克全我

兩朝捷伐綏遐之略。返來自問。差可無負。

燕貽者。當在於是。故非好大喜功之為見也。我

皇祖聖德神功。超越萬古。載定殊勳。炳於史冊。廷臣請

上

尊號。尚未允行。乃者關門以西。迄乎大漠。雖通互古未通之境。究以國家全盛餘力及之。視當年之事。會稍需刻難中輟者。其緩急輕重。固不可同年語矣。然方其罪人未得。朕斷不因盈廷畏憚。執事苟安。若逆渠

既獻馘告功。則國法用申。而軍威自無可極。是以富
德捷奏。尚請追索鄂斯滿。阿布都海里二人。以絕根
株。朕以成事已載。即傳諭飭止之。固不能惑於築室
之謀。亦豈或蹈夫佳兵之戒。所謂行乎不得。不行。止
乎其所當止。無成心也。茲功成事定。惟欽遵

祖宗之心法。益深兢業耳。所有王大臣等加上尊號之
請。不必行。○六十年

諭。來歲歸政。朕為太上皇帝。歷稽前典。有上尊號之文。
殊屬無謂。太上皇帝。非若太上皇后。因母儀而崇上
徽稱者可比。况朕臨御六十年以來。敬

天法

祖勤政愛民。及拓土開疆。諸實政彰彰可考。又何藉聖神文武等文字。虛示尊崇。且以臣子而稱揚君父。本屬後世沿用虛文。於理原未盡協。我

聖祖仁皇帝平定三藩。及恭遇

慶節。從前臣工等屢有以尊號為請者。

聖祖皆卻而弗許。

訓諭煌煌。實可為萬世法。今朕特豫行降旨。將上尊號一事停止。此即朕效法

皇祖之心。亦即御極初年。齋心默禱。不敢上同。

皇祖紀年之數之初念也。將來嗣皇帝及臣工等皆當恪遵朕諭，不必復有瀆請。朕惟敬祈

昊貺，精神純固，康彊逢吉。嗣皇帝秉承指示，克肩負荷，海宇熙和，治臻上理。此即國家吉祥盛事。况太上皇帝稱號已極尊崇，嗣皇帝躬率臣民，以天下養，尤為古今邇隆盛軌。又何必徒尚繁文，務為增美耶。○道

光八年

諭諸王大臣等，以紅旗奏捷，元惡生擒，合詞籲請，加上尊號。雖係援據典章，斷難俯加俞允。前者西陲用兵，原非得已，幸賴

昊蒼默佑

宗社鴻庥。迅奏膚功。永安邊徼。朕方日夜祇懼。豈肯崇
尚虛文。欽惟我

列祖聖德神功。超越往古。殊勳彪炳。史策昭垂。康熙乾
隆年間。廷臣屢請加上

尊號。俱未允行。仰見

聖懷冲抑。洵足為奕禩法守。惟念銘勳偃武。皆由

聖母福庇。國有大慶。允宜祇循令典。備極顯揚。朕謹躬

率王大臣等加上

皇太后徽號。共申賀悃。用昭

慈悱燕喜。所有應行典禮。其敕所司。敬謹詳議以聞。